

APB Rembau e-Bulletin

e-ISSN: 2682-776X

Edition: 11/2023

EDITORIAL BOARD

PATRON

Prof. Dr. Yamin Yasin

COORDINATOR

Nur Faathinah Mohammad Roshdan

CHIEF EDITOR

Assoc. Prof. Dr. Soo Kum Yoke, Carolyn

EDITORIAL COMMITTEE

Ooi Sing Ee

Khairon Nisa Shafeei

Shahrul Muhazad Shahrudin

October 2022 - February 2023

SMART ARABIC 4.0

Ditulis oleh: Norshida Hashim & Syahirah Almuddin

Program Smart Arabic Learning 4.0 telah dilaksanakan pada 9 Disember 2022 bertempat di Fakulti Bahasa & Linguistik, Universiti Malaya. Program ini merupakan program anjuran Jabatan Bahasa Arab Timur Tengah Fakulti Bahasa & Linguistik Universiti Malaya, ALUMNI Jabatan Bahasa Arab, Universiti Malaya dan Kelab NADI, Universiti Malaya. Program ini merupakan program anjuran tahunan oleh Universiti Malaya sejak tahun 2019 yang melibatkan penyertaan dari IPTA seluruh Malaysia. APB UiTM Cawangan Negeri Sembilan merupakan salah sebuah universiti yang telah menerima jemputan daripada pihak penganjur bagi menyertai program tersebut.

Program ini telah berlangsung selama satu hari bermula jam 8.30 pagi - 4.30 petang. Seramai 40 orang peserta dari UiTM Kampus Kuala Pilah telah mengikuti program ini merangkumi pelajar di peringkat Pra-Diploma, Diploma dan Ijazah Sarjana Muda yang mengambil kod TAS080 (*Fundamental Arabic Reading Skills*), TAC151 (*Foundation Arabic Level II*), TAC401 (*Introductory Arabic Language I*), TAC451 (*Introductory Arabic Level II*) dan TAC501 (*Introductory Arabic Level III*). Program ini terbahagi kepada dua slot utama iaitu Slot 1: "*Applying Gamification in Learning Activities Using*

Scratch" oleh Dr. Tuan Sarifah Aini Syed Ahmad dari Akademi Pengajian Bahasa, UiTM Cawangan Negeri Sembilan dan Slot 2: "Penterjemahan Bahasa Arab Mudah dan Tepat" oleh Dr. Mat Taib Pa" dari Fakulti Bahasa dan Linguistik, Universiti Malaya.

Program ini merupakan sebuah program perkongsian pengalaman dan pembelajaran menggunakan aplikasi dalam talian bagi memotivasikan pelajar untuk mempelajari bahasa Arab dengan lebih mudah dan efektif. Antara objektif program adalah memartabatkan Bahasa Arab dalam kalangan mahasiswa dan mahasiswi melalui perkongsian pengalaman daripada para asatizah, meningkatkan minat pelajar dalam mempelajari dan menyertai inovasi yang berkaitan dengan pengajaran dan pembelajaran Bahasa Arab, mewujudkan mahasiswa dan mahasiswi yang mempunyai daya fikiran yang kreatif dan berinovasi dalam bidang Bahasa Arab, serta mendedahkan pelajar kepada teknik penterjemahan Bahasa Arab yang betul dan tepat.

Program ini juga berupaya meningkatkan pengetahuan mengenai kaedah pembelajaran bahasa Arab secara efektif dan menyeronokkan dalam kalangan peserta. Selain itu, para peserta dapat bertukar pendapat, berkongsi pandangan dan menjalin ukhuwah dengan peserta dari universiti lain. Pengisian utama program ini

adalah penyampaian ceramah dan aktiviti berkumpulan. Para peserta telah dibahagikan kepada beberapa kumpulan kecil yang terdiri daripada peserta dari universiti yang berlainan. Tugas secara berkumpulan telah diberikan kepada setiap kumpulan dan perlu dibentangkan ketika program berlangsung. Pada akhir program, peserta telah diberikan aktiviti uji minda mengenai topik yang telah disampaikan. Peserta perlu bersaing untuk menjawab soalan uji minda bagi mendapatkan hadiah. Program ini telah berjaya menerapkan kemahiran insaniah seperti kemahiran berkomunikasi, kemahiran kerja berpasukan, kemahiran kepimpinan dan pemikiran kritis dalam kalangan peserta. Program ini berakhir dengan sesi fotografi dan minum petang.



Ucapan perasmian oleh Ketua Jabatan Bahasa Arab Timur Tengah Fakulti Bahasa & Linguistik Universiti Malaya



Slot 1: "Applying Gamification in Learning Activities Using Scratch" oleh Dr. Tuan Sarifah Aini Syed Ahmad



Slot 2: "Penterjemahan Bahasa Arab Mudah dan Tepat" oleh Dr. Mat Taib Pa



Latihan Terjemahan Dalam Kumpulan



Sesi penyampaian cenderahati kepada penceramah dan wakil setiap universiti